

東蘭
瓊
州
府
瓊
山
縣
志

東陵
天
州
府
理
山
縣
志

瓊山縣藝文志目錄

藝文志三 記下

記

新建漢兩伏波將軍廟記

康熙丁未年

馬逢皋

重飭天妃廟田鋪碑記

湖廣進士推官

洪之傑

新建約所義學碑記

分巡道

程憲

直隸人

重修邱海二公祠碑記

知府

佟湘生

奉天人

重建蘇公祠記

山陰進士邑令

茹鉉

瓊臺書院記

分巡雷瓊道

焦映漢

陝西武功人

義倉碑記

焦映漢

海口公館碑記

焦映漢

重建文峯塔碑

焦映漢

易山小記

總兵

范時捷

襄平人

江公祠記

興東布政使
湖北巡撫

王士俊

文文昌祠碑記

知縣

王贊

新安人

重修學宮記

王贊

學宮海棠十月放花記

王贊

重修學宮碑記

教諭

關必登

南海人

三公祠記

瓊州府同知

姚哲

湖廣黃陂人

雙泉合祀祠記

雷瓊道陞按察使

黃國材

奉天人

重修靈山祠記

黃國材

重建景賢祠記

郡守陞鹽法道

賈棠

直隸政城人

蘇文忠公祠記

國朝廣東巡撫彭鵬
人莆田

文莊公祠記

彭鵬

重建海忠介公祠託

彭鵬

遷建瓊州府學記

國朝學政翁方綱
人太興

英佑將軍江公祠壁記

翁方綱

建萬壽宮記

雷瓊兵備道劉庶

建武廟記

巡道謝樾
人武進

重修潘公河碑記

國朝巡道德明

新建瓊山雁峯社學記

國朝巡撫德保
人滿州

新建蘇泉書院記

郡伯干需
人閩

新建普濟堂記

瓊山令楊宗秉
人古絳

修文峯塔併重建不昌祠音堂茶亭記

楊宗秉

重建天寧寺記

楊宗秉

遊大悲閣登明昌塔記

蘇泉書院掌教

楊纘烈

大埔人

重葺金粟庵正殿併新建禪室記

楊纘烈

京都瓊州會館記

國朝編修

吳典

雁峯社學記

同知

陳景垣

重修文峯塔碑記

國朝郡守

呂子班

陽湖人

重建瓊臺書院碑記

國朝巡道

費而章

仁和人

重建瓊山雁峯書院記

知縣

于學質

重增瓊山雁峯書院膏火碑記

知縣

蘇榮

昭忠祠記

署巡道 張培春

重修雁峯書院碑記

郡守 林鴻年

環江書院記

雷瓊兵備道進士 黃鐘音 四川巴縣人

瓊山縣志卷之二十六

藝文志三 記下

記

新建漢兩伏波將軍廟記

康熙丁未年

馬逢臯

嘗聞有功德於人然後享百世之俎豆前漢邳離路侯諱博德後漢新息馬侯諱援皆有功瓊州士民歲時崇祀歷千百年不毀者皆曰非邳離遠伐新息苦戰焉得收遐荒爲一統變樸野爲文明瓊人思慕焚祀固其宜也邳離書史不多見新息之平交黎著有圖說收水陸形勢列如指掌固知其經畧山海非直拔聲爲長也而銅柱兩指千古爲

昭功德又不止在一方一世也至讀訓姪諸格言
則其治兵行已以禮可知儒將流風可則可佩而
據鞍示健正其不以安榮忘國事忠貞之性到底
益烈家起扶風派衍天下予童而聞長而仰過扶
風而拜邱墓今任海南訪廟貌奉者極多龍岐爲
近隨致祭焉時有教場居民請建兩伏波公祠至
其地則無片瓦隻椽僅存斷碑則係前賢戴公不
忘原祠拱參將衙宇而移建大路令往來瞻仰之
志也若仍建此地雖居民遠恐難久存今建本衢
便於護守橫書匾額英靈如在且海面風濤賴侯
默平利涉至爲福於生民捍災禦患又兩侯之素

性然也罄筆難悉聞龍岐有倭寇犯境望三砲
不響鄉人以爲有侯祐焉則此方居民焉知侯不
大有威靈顯赫造福無窮哉今地則官址也其
鳩工辨材則府廳州縣暨諸紳舉貢衿僉助及贖
鍰用以創建侯祠司理洪公之傑捐貲二十金督
工則巡檢王如德生員某及義民某並力起工訖
工月日所費金錢殿宇房屋數目俱列碑陰予以
入觀不能親視全工而廟貌規模則微有可觀惟
期居民永守崇奉並今文武諸公時加盼睠保護
焉

重飭天妃廟旧舖碑記

洪之傑

湖廣進士推官

瓊郡環處濱海海門一區猶郡治要津通南北而便商民者也厥地廟祀天妃歲時崇禮凡諸鼓枻颺帆乘潮而順渡者莫不肅容起敬蓋儼然海天魏柱爲神稱赫赫焉舊制置有鋪舍苗田載在舊碑歲入其稅於廟廟祀存爲香燈蠟醮品之資乃值沿革不無變更毀折無知小民輒生漁獵以致鼠雀興詞茲逢分巡海南道馬憲批清查舊制訊明勒石竊思千秋廟祀例不可磨矧屬定制則國法存焉矣制屬祀典則神聽存焉矣有制闕國法而可妄意漁獵也耶與屬神聽而可妄意漁獵也耶夫亦可撫膺生惕矣爰以原置田鋪坵段開數

逐一勘出宜存者井井備勒用垂廟祀不朽云

新建約所義學碑記

程憲

直隸人分巡道

古讀法古治也負未橫經古學也自五品六行之教衰而門第重鄉舉里選之法廢而士習壞由是樸者不循夫親邈而黠者日趨於淫邪世家素封各分門戶以矜聲氣單寒孤族雖資性可造者力不能執經問業焉此風俗人文之所以不古也歲壬戌余恭膺

簡命巡視瓊疆瓊古荒服也不獨聲明文物不類中州卽要而城郭繕焉勿固重而學宮圯焉勿煥余不禁慨然久之乃命郡邑長吏先修舉其要者重

者以固封疆以崇文典思臣子服官各有專職
風俗者守令之責也學校者禮所屬也余職察吏
爾寧庸越俎然治之盛衰先徵民俗吏之賢能首
在教化今

聖天子心切民瘼欽頒

上諭尊聖崇賢表彰實學願乃講讀無地教育無術其
何以一道同風仰副

宸衷哉是不得不表率各屬亟與郡守謀經始幸郡守
素有同志因共思捐俸落成之郡守又請於余曰
海外科名晨星落落學者之過歟抑教者之不得
其術耶今欲於約所之後再建學舍延文望者造

就單寒且兼請命名以垂永久余曰此曠古盛舉而更深慰余願者也第考之前代自郡邑兩庠外別無學之可名惟經奏請者始得置書院然非紫陽白鹿西山建陽陽明諸大儒不敢教授生徒也舍此而外惟新安朱子增設社學刺史洪洙有古小學之議大司農倪公鴻寶有社學講堂之條然皆令博士弟子員各相勸勉已爾若地方有司而延師置館洵振古盛事也余聞耿壽昌有義倉之奏勸富民歲輸粟以備賑范文正公有義田之舉歲以所收給耕讀今郡守不惜金錢倡立學館且歲給米薪脩資以鼓勵單寒此真一時義舉也卽

名之爲義學亦何不可然余猶有說焉義學之建
固爲寒士生色乃一郡人文未得借觀其何以振
興文教余意更欲每月於朔望講約外就斯堂定
期會課自予暨守令以下終而復始各捐金授餐
且甲乙之以表優等則一舉而尊

朝廷法古制賢愚不肖旣讀法而凜王章更居稽以
敦實學士習民風行見化行俗美紹休於文莊忠
介二公時矣郡守欣然應命曰此誠瓊郡之千載
一時也爰卜日鳩工是役也肇於丙寅夏孟竣於
夏仲計大門三間講廳三間中堂房三間後書舍
五間左右書舍三間廚房一間前後明堂蔬圃方

廣如焉卜構於城南之直街俾四方便於聽聞也
約所之建余與郡守共捐之義學之立延師而教
授之郡守之力居多余不沒人之善也郡守爲誰
佟湘年也始終其役而月旦課藝者舊瓊山令茹
鉉也瓊州總鎮左都督吳公謂余曰如此盛舉洵
千載一時予雖武臣方至豈公等獨爲君子乎閩
白嶼山襄陽非異人任值茲鼓勵人才敢不勉力
共襄盛舉爰是水師副總兵李左營尹右營周皆
歲值一月而各營衛都守及學博咸與焉余不禁
喜而不寐曰天下有如是一舉而文武同心數善
咸備者乎此誠千載一時不可不記之記之者非

邀名也慮珠崖大荒文教式微且歲有颶風修葺維艱既難經始復難善後是不得不望後賢之宦歷瓊疆者而增美廣大之以垂於永久則余願始慰爾故記之

重修邱海二公祠碑記

佟湘年

奉天人知府

古仕宦者多矣古名臣亦不一然或望重省郡而不能徧及朝野榮於生時而不能傳諸沒世雖其間亦有遭逢之不偶乎要亦其生平學業居官治略未必真可傳世而起人服教畏神之思爾若邱海二公則不然二公者皆瓊人也思文莊公自翰苑歷東閣三十餘載史稱其正笏立朝有曲江風